
Ёшларнинг ҳарбий қисмга саёҳати таассуротларга бой ўтди

Ўзбекистон туманида ёшларни ватанпарварлик руҳида тарбиялаш, уларда ҳарбий хизматга бўлган қизиқишларини ошириш мақсадида туркум тадбирлар ўтказиш яхши анъанага айланган.

Туман ҳокимлиги, Миллий гвардиянинг Ўзбекистон тумани болалар билан ишлаш бўлими, мактабгача ва мактаб таълими бўлими ҳамда маънавият ва маърифат маркази бўлинмаси ҳамкорлигида ўтказилган навбатдаги тадбир ҳам ёшлар учун унутилмас хотираларга бой бўлди.

Тумандаги умумтаълим мактаблари ўқувчиларининг Миллий гвардия Фарғона вилоят бошқармаси Қўқон шаҳридаги ҳарбий қисмига ташрифи ташкил этилди.

Ташриф давомида ҳарбий техникалар, қурол ва аслаҳалар кўргазмаси, миллий гвардия аскарларининг жанговор тайёргарлик бўйича кўргазмали чиқишлари намойиш этилди.

Миллий гвардия ҳарбий хизматчилари ўз тажрибаси, иш фаолиятининг асосий йўналишлари билан ўртоқлашди. Ёшлар ўзларини қизиқтирган саволларига батафсил жавоб олди.

2025-01-18 18:01:26